

დაბრუნება

ახლა ვერკვევი და ვიცი ვინ ვარ,
ახლა ქარები სულში მღერიან.
ამ კლდეზე ბევრჯერ წამოვწოლილვარ,
აქ ბევრი ლექსი დამიწერია.
გაღმა დამდგარა ხე ათიოდე,
და იმედებიც ჩემთან არიან.
და სადაც უწინ მე დავდიოდი,
ახლა იქ მხოლოდ ცივი ქარია.

ცაზე ღრუბლები ნელა მიდიან,
მე ვდგავარ მთაზე და მიხარია.
უწინ მზის სითბო სადაც მიგრძვნია,
ახლა იქ მხოლოდ ცივი ქარია.

ახლა ვერკვევი და ვიცი, ვინ ვარ,
ახლა ქარები სულში მღერიან.
ამ კლდეზე ბევრჯერ წამოვწოლილვარ,
აქ ბევრი ლექსი დამიწერია.